



Expediente 97479/332

INFORME PROPOSTA DE ADXUDICACIÓN PARA O PROCEDIMENTO ABERTO SIMPLIFICADO DE TRAMITACIÓN ABREVIADA DA CONTRATACIÓN DA SUBMINISTRACIÓN DE MOBILIARIO DE COCIÑA E DESPENSA E ELECTRODOMÉSTICOS A SUBMINISTRAR PARA A ESCOLA INFANTIL MUNICIPAL SANTA MARTA - PRAZA DA INDUSTRIA (CAMIÑO DO CHOUZO, 2) - LOTE 2.

I.- LEXISLACIÓN APLICABLE

- Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (LCSP).
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña á Lei 9/2017, do 8 de novembro, de contratos do sector público.
- Prego de Cláusulas Administrativas Particulares (PCAP) que rexe o procedemento aberto simplificado de tramitación abreviada para a subministración de mobiliario e equipamento para a Escola Infantil Municipal Santa Marta – Praza da Industria (Camiño do Chouzo nº 2).

II.- ANTECEDENTES

En data 08/07/2024, publícase na Plataforma de Contratación do Estado anuncio do Concello de Vigo para a presentación de proposicións para a contratación polo procedemento aberto dos dous lotes da “Subministración de mobiliario e equipamento para a Escola Infantil Municipal Santa Marta – Praza da Industria (Camiño do Chouzo, 2)” (expte. 97479/332), no que se sinala como remate do prazo de presentación de ofertas o día 22/07/2024.

Segundo consta no certificado de licitadores expedido pola secretaria de goberno local de data 23/07/2024, durante o prazo sinalado no devandito anuncio, e consultada a aplicación informática de xestión de expedientes, non se presentouse ninguha oferta a través do Rexistro Electrónico municipal.

Segundo consta na Plataforma de Contratos do Sector Público, presentou proposición para este procedemento o seguinte licitador:

1. JOSMA EQUIPAMIENTO S.L.U.

De acordo co procedemento para a presentación electrónica das proposicións previstas na cláusula 14 do PCAP e das normas para o emprego de medios electrónicos, informáticos e telemáticos nos procedementos de adxudicación de contratos da Disposición Adicional 16ª (apartado 1.h) da LCAP, en data 24 de xullo de 2024 ás 13:30 horas reúnen o técnico de actividades culturais e educativas (por delegación da xefa do Servizo de Educación) coa técnica de administración xeral de Contratación para a apertura do sobre único de conformidade co previsto na cláusula 16.1 do prego de cláusulas administrativas particulares (PCAP).



Copia do documento - Concello de Vigo	Data impresión: 14/08/2024 09:59	Páxina 1 de 4
97479-332	CSV: AAAD55-3A563B-2DAH2A-NFAYE8-ZP91UU-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

A continuación procédese á descriptación da proposición presentada a través da Plataforma de Contratos do Sector Público co seguinte resultado:

	Licitador	DEUC	Anexo II PCAP	Prezo sen IVE	Incremento do prazo de garantía dos elementos a subministrar
1	JOSMA EQUIPAMIENTO S.L.U.	Non presentado	Non presentado	16.046,60 € (Oferta en orzamento detallado)	5 anos (Oferta en orzamento detallado)

Á vista da documentación presentada, procede:

a) Outorgar un prazo de tres días ao licitador presentado para que poidan emendar a documentación presentada segundo o esixido no PCAP que rexe esta contratación:

1. JOSMA EQUIPAMIENTO S.L.U.: En concreto, deberá presentar, tal e como establece a cláusula 13 do PCAP:

- O Anexo II do PCAP, asinado polo seu representante, xa que non consta na documentación presentada;
- O DEUC, asinado polo seu representante, xa que non consta na documentación presentada.

En data 02/08/2024, reúnense o técnico de actividades culturais e educativas (por delegación da xefa do Servizo de Educación) e a técnica de administración xeral do Servizo de Contratación e á vista da documentación presentada o 31/07/2024 por JOSMA EQUIPAMIENTO S.L.U., procede a admitir a este licitador por ter emendado correctamente a documentación esixida na cláusula 13.1 do PCAP.

III. AVALIACIÓN DA OFERTA

Primeiro: Ofertas anormalmente baixas.

Antes de proceder a valoración da oferta económica, compróbase se esta contén valores anormais ou desproporcionados, en base aos criterios establecidos na cláusula 15 do PCAP e no apartado 6.B das Follas de Características do Contrato (FEC).

	Licitador	Oferta sen IVE	Desconto	% de baixa
	<i>Orzamento de licitación</i>	19.060,00 €		
1	JOSMA EQUIPAMIENTO S.L.U.	16.046,60 €	3.013,40 €	15,81%

Consonte as normas indicadas na cláusula 15.1.b do PCAP, considérase que a oferta NON se atopa en situación de oferta anormalmente baixa.

Segundo: Valoración das ofertas.

A continuación, procédese a valorar a oferta presentada conforme aos criterios de valoración recollidos no apartado 6.A das FEC:

	Licitador	Prezo sen IVE	Incremento do prazo de garantía dos elementos a subministrar
1	JOSMA EQUIPAMIENTOS S.L.U.	16.046,60 €	5 anos

O apartado 6A das FEC recolle os seguintes Criterios de adxudicación avaliáveis a través de



Copia do documento - Concello de Vigo	Data impresión: 14/08/2024 09:59	Páxina 2 de 4
97479-332	CSV: AAAD55-3A563B-2DAH2A-NFAYE8-ZP91UU-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Expediente 97479/332

fórmula:

1.- Redución do prezo do contrato: valorarase con ata 90 (noventa) puntos: Outórgase a máxima puntuación ao existir un único licitador de conformidade coa cláusula 14.3 do PCAP.

2.- Incremento do prazo de garantía dos elementos a subministrar: valorarase con ata 10 (dez) puntos.

Á vista dos anteriores criterios, o licitador acada a puntuación que se recolle na seguinte táboa:

Licitador	Prezo sen IVE	Puntos redución prezo	Incremento do prazo de garantía	Puntos prazo garantía	TOTAL PUNTOS
<i>Orzamento de licitación</i>	19.060,00 €	90.00		10,00	100,00
1 JOSMA EQUIPAMIENTO S.L.U.	16.046,60 €	90.00	5 anos	10.00	100,00

Terceiro.- Comprobación de documentación.

Conforme ao previsto na cláusula 16.3 do PCAP, e coa asistencia do Servizo de Contratación, compróbanse os seguintes extremos en relación co licitador clasificado no primeiro lugar:

- *“A súa personalidade, se é unha persoa física ou ben, a súa válida constitución e obxecto social, se é unha persoa xurídica.*
- *Capacidade de obrar.*
- *Poder bastante con que actúe o seu representante, no seu caso.*
- *Que non está incurso en prohibición de contratar”.*

De acordo co previsto na cláusula 16.4 do PCAP compróbase que o único licitador clasificado está ao corrente das súas obrigas tributarias coa AEAT, coa ATRIGA e fronte á Tesourería Xeral da Seguridade Social, segundo o certificado de inscrición no Rexistro Xeral de Contratistas da Comunidade Autónoma de Galicia de data 30/07/2024 aportado polo licitador.

Así mesmo, o dito servizo require de oficio a certificación acreditativa de que o licitador está ao corrente nas súas obrigas tributarias fronte ao Concello de Vigo, segundo consta no certificado de data 07/08/2024 incorporado ao expediente.

En consecuencia, segundo o previsto na cláusula 18 do PCAP, procede formular ao órgano de contratación proposta de adxudicación deste procedemento en base aos seguintes:

IV.- FUNDAMENTOS XURÍDICOS

Primeiro.- A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. A dita obriga atópase delegada nos concelleiros responsables das diferentes áreas de goberno en virtude do acordo de delegación de competencias nos concelleiros das áreas de goberno e nos concelleiros delegados da Xunta de Goberno Local de data 22 de xuño de 2023 (publicado no Boletín Oficial da Provincia de Pontevedra nº 129 de 05/07/2023), modificado por acordo de 28 de xuño de 2024 (publicado no BOPPO nº 134 de 10/07/2024). A resolución de



adxudicación deberá ser motivada, notificarase aos licitadores e, simultaneamente, publicarase no perfil de contratante (artigo 151.1 da Lei 9/2017).

Segundo.- A competencia para formular a proposta de adxudicación á concelleira da Área de Goberno de Educación, correspóndelle ao servizo xestor de conformidade coa cláusula 18.1 do Prego de Cláusulas Administrativas Particulares (PCAP).

Trátase dun contrato de subministración, cuxo obxecto é a SUBMINISTRACIÓN DE MOBILIARIO DE COCIÑA E DESPENSA E ELECTRODOMÉSTICOS A SUBMINISTRAR PARA A ESCOLA INFANTIL MUNICIPAL SANTA MARTA – PRAZA DA INDUSTRIA (expte. 97479/332 – lote 2) co contido económico reflectido no apartado 3 das Follas de Características do Contrato (FEC): orzamento base de licitación (IVE incluído) de 23.062,60 euros.

Conforme, a cláusula 14.1 do PCAP, o órgano de contratación acordará a adxudicación mediante a aplicación dos criterios avaliábeis mediante fórmula previstos no apartado 6.A das FEC.

De conformidade cos antecedentes e avaliación de ofertas anteriormente expostos, resulta procedente formular proposta de adxudicación a favor de JOSMA EQUIPAMIENTO S.L.U. (CIF B-27.868.983), por importe de **19.416,39 euros**, IVE incluído, sendo o importe do IVE (21%) de 3.369,79 euros, e cun incremento do prazo de garantía de 5 anos, a maiores dos 3 anos obrigatorios recollidos no apartado 8 das FEC.

Terceiro.- A competencia para a resolución deste expediente correspóndelle ao órgano de contratación (apartado 4 da disposición adicional segunda da Lei 9/2017), competencia delegada na concelleira da Área de Goberno de Educación, en virtude do do acordo de delegación de competencias nos concelleiros das áreas de goberno e nos concelleiros delegados da Xunta de Goberno Local de data 22 de xuño de 2023 (publicado no Boletín Oficial da Provincia de Pontevedra nº 129 de 05/07/2023), modificado por acordo de 28 de xuño de 2024 (publicado no BOPPO nº 134 de 10/07/2024).

En base ao que antecede, propónse á concelleira da Área de Goberno de Educación en uso das facultades que lle confire a lexislación vixente, a seguinte

PROPOSTA DE RESOLUCIÓN:

Primeiro: Adxudicar a JOSMA EQUIPAMIENTO S.L.U. por importe de 19.416,39 euros, IVE incluído, o lote 2 do procedemento aberto simplificado de tramitación abreviada para a SUBMINISTRACIÓN DE MOBILIARIO DE COCIÑA E DESPENSA E ELECTRODOMÉSTICOS A SUBMINISTRAR PARA A ESCOLA INFANTIL MUNICIPAL SANTA MARTA – PRAZA DA INDUSTRIA (CAMIÑO DO CHOUZO Nº 2), sendo o IVE do 21% de 3.369,79 euros, e cun incremento do prazo de garantía de cinco anos adicionais.

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e da oferta presentada (expte. 97479/332 – lote 2).

Vigo, na data da sinatura dixital

A xefa do Servizo de Educación, María José Loureiro Bada



Copia do documento - Concello de Vigo	Data impresión: 14/08/2024 09:59	Páxina 4 de 4
97479-332	CSV: AAAD55-3A563B-2DAH2A-NFAYE8-ZP91UU-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		